



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus I. De Summa Trinitate, & Fide Catholica.

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)



TITULUS I.

De Summa Trinitate, & Fide Catholica.

SUMMARIUM.

1. Quid de SS. Trinitate, & præcipuis Fidei nostræ Mysteriis credendum.
2. Quid intelligatur per Fidem Catholicam.
3. Quinam teneantur edere professionem Fidei.
4. Quam pœnam incurvant illam omittentes.

Cum Juris Canonici finis fit fideles diriger ad DEUM, unum & trinum, per quem Reges regnant, & Legum conditores justa decernunt. Prov. 8. & ad felicitatem supernaturalem, quæ non nisi per Fidem supernaturalem, cognoscitur, & per media Divinitus revelata obtinetur, rectè ante omnia de Fide Catholica, ejusque præcipuo objecto, *Summa Trinitate*, initium capitur. Per *Summam Trinitatem* intelligitur ens increatum, ineffabile, unum & simplex in Natura seu essentia, subsistens tamen in tribus Personis (Patre, Filio, & Spiritu S.) quæ quidem inter se realiter distinguuntur, cum essentia tamen Divina in se simplicissima realiter identificantur. Sicut autem datur distinctio in Personis, ita & in proprietatibus Personalibus atque prædicatis Relativis, ut vocant, quæ sunt generare, generari, procedere. Nam Natura Divina nec generat, nec generatur, nec procedit, sed *Pater* generat, *Filius* generatur à *Patre*, & *Spiritus S.* procedit.

dit ab utroque, Patre & Filio, tanquam ab uno principio (non à duplice) adeoque ab una spiratione activa. Omnes autem tres Personæ sunt consubstantiales, coæquales, quælibet omnipotens, æterna, imensa, DEUS &c. non tamen tres sunt Dii, immensi, æterni, omnipotentes &c. sed unus unicus. Unum itaque DEUM in Trinitate, & Trinitatem in unitate venerari oportet, ut nos docet & jubet Fides Catholica in *Symbolo S. Athanasii*, in c. firmiter. c. damnamus. h.t. x.c. un. in 6. & Clem. un. eod. Ubi & alia Fidei nostræ mysteria præcipua specificantur, & nobis credenda propoundinguntur, ut secundam Trinitatis personam, DEI Filium, Patri consubstantiale, assumptissime Naturam humanam, ac in ea pro nobis passum, & mortuum esse, resurrexisse, ascendisse in cœlum &c. in Sacrificio Missæ offerri & immolari JEsum Christum sub specie panis & vini, in corpus & sanguinem Christi per veram transsubstantiationem conversi: dari unam Sanctam Catholicam Ecclesiam, extra quam nulla salus speranda, & quæ sit infallibilis in definiendis ac declaraudis Fidei veræ articulis, à DEO revelatis &c. Unde saltem implicitè ac generaliter credenda sunt prorsus omnia firmissimè, quæ ab Ecclesia Catholica proponuntur credenda, nimirum ab Ecclesiæ supremo capite, Christi in terris Vicario, sive dein proponat in Conciliis Generalibus, sive extra illa, loquens tam ex Cathedra, ut ajunt, h. e. invocatō DEI auxiliō, & debitâ diligentia adhibitâ, intendens docere totam Ecclesiam tanquam Caput Ecclesiæ, & Pastor universalis ab ipso Christo constitutus.

Per

Per *Fidem* h̄ic non intelligitur actus Fidei, quo firmissimè amplectimur per assensum ea, quæ D̄ivinitus revelata nobis ab Ecclesia proponuntur credenda, sed objectum Fidei, sive res à DEO revelatæ, & à nobis credendæ; adeòque intelligitur Fides objectiva, iind Fides maximè h̄ic sumitur pro summa, & collectione præcipuorum Fidei nostræ articulorum, quos Ecclesia non solùm à nobis credi in specie cupit interius, sed etiam à quibusdam per publicam professionem teneri exteriū præcipit; quos articulos Concilium Tridentinum, & Pius IV. qui illud confirmavit, in certam formulam redigit, secundūm quam hodie Professio Fidei externa & publica à quibusdam quandoque fieri debet, uti dicemus. Per *Catholicam* verò, quæ vox idem sonat, ac *universalis*, intelligitur illa fides, quam tenet & tradit Ecclesia *Romana*; h̄ec enim sola est, & semper vocata fuit *Catholica*, seu *universalis*, teste S. Augustino *lib. de vera Relig. c. 7.* etiam ab inimicis & Adversariis suis: quod hodie adhuc videmus; siquidem moderni Hæretici, utut honorificum hoc nomen summopere invideant Ecclesiæ Romanae, ejusque membris, tamen, si intelligi velint, *Catholicam*, appellare debent, ac solent: sic in *Instrumento Pacis Monasteriensis* Romanae Ecclesiæ addicti plusquam octuagies appellantur *Catholici*, nescio qua vi adigente, ceteri verò vocantur *Atholici*, *Protestantes*, *Reformati*, *Confessioni Augustanae addicti* &c. nec immeritò, quia teste Vincentio Lirmensi, Doctore antiquissimo, *lib. cont. Hæreses. c. 3.* verè proprièque *Catholicum est tenere, quod ubique, quod semper, quod ab omnibus*

Pars I.

C

cre-

TITULUS I.

34

creditum est. Sola autem Ecclesia Romana fuit ubique & per totum mundum diffusa, exstitit semper à temporibus Christi, veræ Ecclesiæ auctoris, & quod credidit unus ejus verus alumnus, credidere omnes, atque sic sola fuit, & adhuc est, Catholica seu universalis quoad locum, tempus, & doctrinæ unitatem, adeoque est illa Ecclesia, contra quam portæ inferi nunquam prævaluerunt, nec deinceps prævalebunt, juxta Christi promissio-
nem *Matth. 16.*

3 Dico 1. Publicam Fidei Catholicæ professio-
nem juxta Formulam Tridentini, & Pii IV. cum
juramento, se in Ecclesiæ Romanæ obedientia
permansuros, edere tenentur sequentes. 1. Pro-
movendi ad Episcopatus, in prima Synodo Pro-
vinciali, cui interfuerint. 2. Provisi de Canoni-
catibus & Dignitatibus in Ecclesia Cathedrali in-
tra duos menses à die pacificæ & fructiferæ pos-
sessionis. 3. Provisi de beneficiis, curam ani-
marum habentibus, pariter intra duos menses à
die adeptæ possessionis. Trid. *sess. 25. c. 2. de ref.*
& sess. 24. c. 12. de ref. Rursus 4. Prælati Regula-
res, & s. non tantum Doctores, Magistri, Regen-
tes, & quicunque artem aut disciplinam, sacra-
vel profanam, docere vel profiteri volunt, sed
etiam qui ad gradus litterarios, & licentiam do-
cendi in Academiis promoveri cupiunt, ubi nem-
pe Constitutiones *Injunctum* Pii IV. & in *Sacro-
sancta* Pii V. sunt usu receptæ.

4 Dico 2. Provisi de Canonicatu vel Dignitate
in Ecclesia Cathedrali, item provisi de beneficio
curato, si intra duos menses ab adeptæ posses-
sione culpabiliter omiserint edere Professionem Fidei,

non

non possunt fructus facere suos post illud bimestre perceptos, donec dictam Professionem emit-
tant, sed eos non obstante Professione postea secu-
ta tenentur erogare in pauperes, aut in Ecclesiæ
fabricam. 2. Probabilius etiam ante sententiam
Judicis. Pars prima habetur Trident. sess. 24. c.
12. de ref. cit. Altera probatur ex eodem Trid.
quia noluit, ut provisi faciant fructus suos post bi-
mestre perceptos, nisi sub conditione intra id
temporis emissæ professionis: ergo isti fructus,
post lapsum duorum mensium percepti, donec
emittatur Professio Fidei, non sunt in absoluto
dominio provisorum: ergo sunt res aliena: at-
qui res aliena debet restitui ante omnem senten-
tiam: ergo. *Objicies* cum Sanch. Barb. & P.
Wiestner h.t. n. 48. Tridentinum privans fru-
ctibus ob non emissam Professionem Fidei est
lex pœnalis: sed lex pœnalis non obligat ante sen-
tentiam Judicis, saltem declaratoriam criminis.
arg. c. 19. de *Hæretic.* in 6. ergo. Resp. neg. ma.
non enim tam est lex pœnalis, quām conventio-
nalis & conditionalis: quia fructus non concedit,
nisi sub conditione emissæ intra duos menses Pro-
fessionis: ferè sicut contrahentes subinde adji-
ciunt suis conventionibus certas conditiones, sub
quibus, & non aliter, velint transferre do-
minium rei in alterum.



C 2

TITU-